



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

ზარიძე გიორგი მიხეილის ძე



გ. ზარიძე

ზარიძე გიორგი მიხეილის ძე [16 (29). V. 1908, თბილისი, – 12. II. 2002, იქვე], გეოლოგი. საქართველოს მეცნ. აკად. წ.-კორ. (1967), გეოლ.-მინერალოგიურ მეცნ. დოქტორი (1945), პროფესორი (1945), საქართვ. მეცნ. დამს. მოღვაწე (1961). 1933 დაამთავრა ამიერკავკ. ინდუსტრიული ინ-ტი და იქვე დაიწყო მუშაობა. 1936 იყო სსრკ მეცნ. აკად. პეტროგრაფიული ინ-ტის მეცნიერი თანამშრომელი. 1937-იდან მუშაობდა ა. ჯანელიძის სახ. გეოლ. ინ-ტში – 1958-86 იყო პეტროლოგიის, 1986-89 – პეტროლოგიის, მინერალოგიისა და იზოტოპური გეოქრონოლოგიის განყ-ბის გამგე, 1989-იდან – დირექციის მრჩეველი. პარალელურად 1937-48 მოღვაწეობდა თსუ-ში (1938-39 იყო გეოგრ.-გეოლ. ფაკ-ტის დეკანი). 1948-იდან მუშაობდა აგრეთვე სპი-ში (ახლანდ. სტუ), 1948-60 და 1974-78 იყო მინერალოგიისა და პეტროგრაფიის კათედრის გამგე, 1952-56 – ამავე ინ-ტის დირექტორი, 1985-იდან – იქვე დაარსებული კვლევის სპექტრული მეთოდების რესპ. ცენტრის ხელმძღვანელი. ზ-ის შრომები ძირითადად ეხება მეტამორფული ქანებისა და გრანიტოიდების გენეზისს, ენდოგენური ქანების ფორმაციული კლასიფიკაციისა და კავკ. რეგიონული პეტროლოგიის საკითხებს. თანაავტორი და თანარედაქტორია საქართვ. გეოლ. შესახებ შექმნილი პირველი განმარტებული ნაშრომისა („Геология СССР, т. 10 – Грузинская ССР, ч. 1. Геологическое описание, М., 1964; საქართვ. სახელმწ. პრემია, 1973). ზ. იყო საქართვ. საინჟ. აკად. ერთ-ერთი დამფუძნებელი და მისი საპატიო პრეზიდენტი, საქართვ. ტექ. ინტელიგენციის კავშირის პრეზიდენტი, საფრანგეთის, სერბეთის და გერმანიის გეოლ. საზ-ბების წევრი. მიღებული

აქვს სახელმწ. ჯილდოები, მ. შ. ღირსების ორდენი (1996).

თბ.: Геологические аспекты современной петрологии и вулканологии, кн. 1-2, Тб., 2001. *ბიბლ.*: გიორგი ბარიძე. ბიობიბლიოგრაფია, შემდგ.: ე. დოლიძე, ი. დუდუჩავა, თბ., 1995.

დ. შენგელია
